



## Vita de ploania y de paisc

- **Ofertes** - tal secundo mez ann 2021 **mess gní menades demez** cōstes ofertes:
 

<b>25.07.</b> oferta de San Cristofe	<b>14.11.</b> por la Caritas
<b>26.09.</b> por migranc y profugs	<b>12.12.</b> oferta d'Advent por la diozeja
<b>24.10.</b> por les Mischiuns	

**Dōtes les atres é por ala dlijia.**



## Enformaziuns y termins

**Oies: i recordun l'orar** dles Santes Messses sō Oies:

dedolōnesc	ales 17:30	dedemesaledema	ales 17:30
jōbia	ales 17:30	vendres	ales 17:30
sabeda	ales 16:00	domegna	ales 16:00

La ciasa nadé de Sant Ojöp Freinademetz con capela y dlijia é daverta vigne de dales 8:00 ales 20:00.

**Ciasa de Palsa:** la Ciasa de Palsa Ojöp Freinademetz chir **en/na direttur/ia**. I recusic por tó pert ala seleziun ciafun sōn [www.ciasadepalsa.it](http://www.ciasadepalsa.it). La domanda é da dé jō tai ofizi dla Ciasa de Palsa anter les 12:00 dai 16 de iuli. Enformaziuns al ☎ 0474 524783.

→ **“Impfbus”:** l'ombolt lascia alessi che en dedolōnesc ai 6 de iuli dales 10 danmisdé ales 8 da sera sarál la poscibilité da se lascé fá la variora cuntra le Coronavirus. Le bus con le dotur é stazioné ia dla Scora de Musiga a Al Plan. An ne mess nia se prenoté. An pó fá la prōma y/o la secunda dosa. Le vazin é Moderna. Tolun cōsta ocajiun!

**Al pó sozeder ci che al ô,  
pa nos stál da odei tla cossa val de bun o val de slet.**

*En foresto jea en iade sō por munt y damanâ le famei: “Ci tomp vegnel pa encō?” Le famei rospogn: “Desche iu l'ô!” Le foresto damana ennant: “Ciodi seise pa che le tomp ven avisa desche os l'oreis?” Le famei dij sōn cōsta: “Iu á fat l'esperionza, mio bun amich, ch'i ne pó nia dagnora ciafé ci che iu ô. Porchel á emparé da orei dagnora ci che iu ciafi. A cōsta moda sunse der sogü: le tomp sará encō deschi iu l'ô!”*

dô de Mello

<b>Döt le bun a:</b>	Sr. Alma Morlang, <i>Roma</i>	* 04.07.1933
	Ida Trebo Perpich, <i>Dortmund</i>	* 07.07.1925
	Maria Vittoria Willeit	* 07.07.1937

y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann B

04.07.2021 - 14. domegna ia por l'ann

n. 32

## La fede se damana perseveranza

📖 Ez 1, 28b – 2, 5 | 2 Cor 12, 7–10 | Mc 6, 1b–6

### Dal Vangelo do San Merch:

Te chel tomp <sup>1</sup>bea Gejú roé tla ciüté de sōa patria; sū discepu i l'acompanjà. <sup>2</sup>Le de de sábat ensinál tla sinagoga. Y le gröm de jont, co l'ascutà, se fajea demorveia y dijea: Da olá ál pa döt cōsc? Ci sapionza é pa cōsta, co ti é gnüda dada? Y ci mirachi é pa chisc, co sozed tres el? <sup>3</sup>Ne n'é nia cōsc le zompradú, le fi de Maria y le fre de Iaco, de loses, de lüda y de Sciomun? Ne vir nia sōes sorus atló danter nos? Y ai se scandalisâ por el. <sup>4</sup>Danló ti á Gejú dit: Engnó ne n'á n profet tan pücia stima co te sōa patria, pa sōa parontela y te sōa familia. <sup>5</sup>Y al ne sciafiâ da fá danló degün miraco; ma a val' püri ti ál motü sō les mans y i á varí. <sup>6</sup>Y al se fajea demorveia de sōa incredulité. Y al s'an é jü fora por i paisc ijins y ensinâ danló.

**I ponsun do:** Nos s'aodun che Chel Bel Dio se vegni adancuntra: ch'al se lasci sontí sōa vijinanza a na moda ch'i podunse le capí. Mo canche chi da Nazareth l'á danter ei desco önn dai sū se parai y se scandaliseia. Nos desson se comporté atramonter y tó sō la parora ch'al se dij tla vita da vignedé: tres les porsones encer nos ia, tai avenimonc y tres la parora dla Dlijia.

**I periun:** Gran Dio, nosta fede encunta gonot dificoltés ven gonot motüda ala proa. Fá ch'i sunse bogh da te encunté: tles porsones, tai segni dal tomp y tla parora de to Fi, co vir y regneia por dagnora.

Vesco Wilhelm Egger "Sonntagsbibel"

📖 Letôres dla 15. domegna ia por l'ann:  
**Amos 7, 12–15 | Ef 1, 3–14 | Mc 6, 7–13**



